

金光明懺儀


C40
4514
(80-82)

C40-4514

了翁上座請大藏及有  
家書置之武州紫雲山  
我微矣塔院庭中永  
為學者不敢許出院內  
富山二世鐵牛謹誌



B 64853



金光明懺法補助儀

宋天台東掖山沙門遵式集 明智旭重治

緣起第一 若見於正修前無緣起  
等五意者並非正本

問曰事儀已載百錄觀慧復指餘文於是二途更  
何所補答今觀事儀既出舊經識師語約百錄一

準亦無別立行用之際遲迴之事不免數四且散

灑一法經云別以種種美味供施於我散灑諸方

爾時當誦如是章句尋此文難曉者四一闕別

明奉飲食供施天女二闕分散灑別施諸神三闕

明散食處所。四誦咒時節似未次第。準淨師新譯  
唯闕第三明散食處。餘甚分曉。新云。亦以香華及  
諸飲食供養我像。復持飲食散擲。餘方施諸神等。  
誦咒之語亦復別出。先令禮佛。後卽誦咒。而云召  
請。不云於散灑時誦。觀此新文。有補舊式。若爾。百  
錄令別釘一盤。擬散諸方。此與新經宛如符契。何  
謂亦無別立。答。初雖似分後至。散灑復依經文。便  
令誦咒。又成難了。何者。咒本召喚天女。祇可兼於  
徒黨。若令散食處誦。則成但召徒屬。縱云同時誦

者。復闕明處。若道場內布散飲食。大有不便。若異  
處散。同時誦咒。又成不可。况復誦咒時節。亦應不  
爾。必先持咒。通召主伴。令至道場。後奉飲食。必須  
異處。又今時行事。多將此法。準同法華方等。初日  
已後。廢請三寶。直爾誦咒。甚闕次第。又百錄不出  
五悔。後人濫用。今並補助。非徒然也。

按文開章以定銓次第二

百錄事儀文雖甚約。細尋其意。開爲十科。但闕五  
悔一爾。云何爲十。一者嚴治淨室。二者清淨三業。



金光明經卷  
三者香華供養。四者召請持咒。五者讚歎述意。六者稱名奉供。七者禮敬三寶。八者修行五悔。九者旋遶自歸。十者唱誦經典。與百錄開合銓次略異。對尋可了。但五悔今依滅業障品安之。但云述建懺意略無讚歎。今準餘行法用新經四王讚安之。方等法華皆有坐禪。此文但令唱誦。信有深意。弗敢移易。若爾不安。五悔亦有意耶。答。此應不例。但是文略。或云專誦至懺悔品。便爲悔者。亦應不爾。合部滅障品。一一悔前。皆具敬儀。然後陳露。知須

別安也。

別明禮請散灑二法第二

應知此法向請觀音以請爲行。七日六時須番。禮請百錄方等儀及法華三昧皆結云。於後六時略去請佛。餘九法悉行無異。唯請觀音及金光明文。無此結明。可準知也。又尋新經大辯堅牢散脂等咒法之儀。皆專以請召爲門。况天女品云。爲我每日三時稱三寶名。實言邀請大吉祥天。乃至誦持神咒。請召我時。我聞神咒。請召我已。卽至其所。



日三既爾夜三準知。况後文云及於晡後誦持前  
咒希望我至請義明矣。往往觀音行儀無識之者  
亦欲廢請。此大不知所以也。今此但束略百錄請  
文都爲五位。祇是開合。故非刪削。所以合者爲朝  
營飲食易及過中。餘時廣請亦應無在。請觀音無  
此不應輒畧。二明灑散者。理須道場外別置淨地  
或作小壇。香汁徧灑。務令嚴潔。以物承足。身立於  
中。旋轉四散。食盡爲度。問此出何文。答百錄兩經  
皆不云耳。此以意裁。務在生善。諒亦無咎。俟見他

文卽依改貫。非晚也。

畧明能請及所求離過第四

準請觀音三義。一爲自故請。二爲他故請。三護正  
法故請。今品準意正在護法。卽天王護經第三。以  
福資請說。及以聽者。通論亦應具三。經云當爲已  
身及諸衆生。卽自他也。廣令流布是妙經典。卽護  
法也。皆本品文耳。又新本云。汝能流布是經。自他  
俱益。此明文也。自請復三。一延請。二祈請。三願請。  
此配三業成機。品云。洗浴其身。禮拜供養。身業延

請也。誦咒召我卽口業祈請也。至誠發願卽意業願請也。爲他護法三業亦爾。延請復三標心約行證請標心謂域意祈求專誠則感。新本云實言邀請發所求願約行者謂雖不標心其人三業淳淨大聖自然應之。品云我當終身不遠是人證請者鬼神品云若入是經卽入法性卽於是典金光明中而得見我釋迦牟尼。延請旣爾祈願亦然。此三業之機十界衆生二嚴未滿爲他護法咸須致請。二明所求離過者問曰百錄云金光明懺法但應

折意悔罪。那忽有求答。其理實然。但由行法事出此品。以吉祥爲主。故品意復是福資說聽。品內之文多明財寶少說懺悔。惟新本云供養諸佛。自陳其罪。迴向發願等。然復品明增長財物。因是之故。多招諂附。欲免斯過。故示所求也。今作二意。一者若直懺淨心不餘圖。專依事理。一心精進。若取相若觀空意期滅罪。此非所論也。二者若爲護法及請說因緣標心所求。行者須精識其過。復有二意。一者約三請示起過處。謂行證二請必無諂詐。諂



則非行自不成感。唯標心作。法者事有真僞。過則生焉。二者正約標心。揀過復二。初畧約三義顯正。次反此出過。言正三者。一約能請之機。謂真欲通經。若請者若說者。若聽者。隨有所乏。法流斯壅。標心指事。七日虔祈。欲假天資。固宜遠過。請必須實。說必須了。聽必須勤。餘非能感也。二約能應之聖。卽吉祥大天。天心不欺。果有實語。雖不謀而應。而毫釐不濫。真機一扣。妙應遂通。爾三約與財之意。意在潤其處。而致請充其乏。而益說給其資。而又

聽經云。是說法者。我當供給。令心安住。晝夜歡樂。正念思惟。分別深義。請者及聽準。此可知。故非庸昏之徒。飽食終日。無所用心。夫與其財者也。次出過者。反前可知。更復畧說。且出家之子。尚不應求事。戒世禪及二乘智慧。豈容全不資道。專爲養軀。諂附行儀。竊規財利。設遂多畜。自犯嚴科。不淨入財。招苦三惡。供養既無。福應設施。竟自空爲。擬欲感天。恐應無日。二則天佐有德。不祐無道。畜財毀戒。天捨人譏。徒欲虔祈。逾近逾遠。尚令大鬼掃迹。



金光明備  
寧得尊天衛身。天乎無親唯德是輔。豈苟狗庸鄙  
而言終身不遠是人耶。三則既反天意與財何爲。  
意爲通經不專濟命。尚令散積豈使益貧。且沙門  
染法猶訶畜財誰賞。世有不達徒欲要求。天網恢  
恢疎而不漏。問曰。觀上所說恐不全爾。何者。人情  
自隔天理本通。菩薩慈稱無緣大士。施元博濟。賊  
稱佛號尚獲金頭。僧奉天靈寧怪玉帛。答。汝此問  
深不達也。譬如國之法臣非法虞罪去官奪祿。而  
反責君曰。天子仁慈不應偏黨。尚恩覃草木惠及

孤貧。何故於臣而怪爵祿。觀此所責是智臣乎。經  
稱能持一句及以首題以財以護者。此攝俗子。及  
顯持功工商仕農求財是分。王臣長者濟國盈家。  
尚令必聽是經要求同行。地神品云。好行惠施心  
常堅固深信三寶。積而能散。素聞廉士之風。知足  
節量。夙仰道人之範。未見迹叅穢俗志混凡夫。而  
人歸天護者也。

又總示事理觀慧所依第五

今文正依百錄及新舊兩經榜採法華三昧中文

金州助懺儀  
以成十科事儀。但正修之前略無方便。廣在止觀及諸懺法所明。欲修行者當尋懺悔品疏。應先諦了懺悔處及懺悔法。法有正助。一一細知。若尊容道具。歷事觀慧。當尋止觀方等懺文。若十科始終事儀之後。一一觀想。咸依法準。補助儀并須誦熟。令運念無滯。若經呪佛名五悔等文。並須預誦。悉令通利。不應道場之內。猶自讀文。復須尋疏明識作法。取相無生三種懺法。若通若別。事理節級對障次第。淺深之相。不得不了。慎勿容易。又囑後

學凡欲傳寫。並須首尾全寫。對勘分明。勿令脫悞。多見法華觀音等懺文。多削去前後及觀慧之文。但抄佛位及懺悔文。單提禮文。深可悲痛。若不能者。寧可莫寫。免得毀散。行法全文。一事不周。便虧行相。深誠深誠。

補助正修十科事儀第六

理觀如上所止

○第一嚴淨道場方法

若自住處。若阿蘭若處。嚴治一室。以爲道場。別安唱經座。令與道場有隔。道場內。須安釋迦像。於像



前安金光明經。於佛左邊安功德天座。準新經應  
畫吉祥天像道場。若寬更於右邊安大辯四天王  
座。準毘沙門呪法中於佛左畫吉祥天。於佛右作  
我多聞天像。今道場更窄亦須安多聞天座爲善。  
以天女居彼勝園及表權實便故。懸繒幡蓋安施  
供具嚴好諸座淨掃其地。香汁灌灑香泥塗治。然  
種種諸香油燈。於諸座散種種妙華及諸末香。燒  
衆名香供養三寶。備於已力所辦。傾心盡意。極於  
嚴淨。所以者何。行者內心敬重三寶。超過三界。今

欲奉請供養。豈可輕心。若不能拔已資財供養。大  
乘終不招賢感聖。重罪不滅。善根何由得生也。

○第二清淨三業方法

行人從初日終竟一期。日日以香湯沐浴。若至穢  
處事訖卽浴。縱一日都不至穢亦須一浴。著淨潔  
衣。若大衣諸新染等服。若無新當取已衣勝者重  
淨洗染以爲人道場衣。由入脫著。此可意知。行人  
終竟七日專莫雜語及一切接對問訊。如索所須  
但直語其事。不得因事牽發餘說。行人終竟七日



專秉一心念所修法不得刹那念世雜事宜在密  
防勿令萌動如上三業若飲食若便利一心護失  
不得托事延緩當直如事作爾

○第三香華供養方法

行者初入道場至法座前敷  
尼師壇正身合掌倚立應先  
慈念一切衆生誓與救拔次起殷重心慚愧懇惻  
存想三寶罌塞虛空應現道場如是想已五體投  
地禮一切三寶亦使影現一切  
佛前應如是禮音聲者首唱

一切恭敬

一 心頂禮十方常住三寶

心隨身口一心頂禮無分  
散意了知此身如影不實  
能禮所禮心無所得一切衆生亦皆同入禮三寶  
海中總禮三寶一拜已互跪手執香爐口復唱云

是諸衆等各各胡跪嚴持香華如法供養

至此停唱  
以手擊華

默念供養運想之辭由法華補助儀想云

我此香華遍十方以為微妙光明臺諸天音樂入寶  
香諸天餽餅天寶衣不可思議妙法莊嚴一一塵出  
一切塵一一塵出一切法旋轉無礙互莊嚴徧至十方  
三寶前十方法界三寶前皆有我身修供養一一皆  
悉徧法界彼彼無雜無障礙盡未來際作佛事普重  
法界諸衆生蒙熏皆發菩提心同入無生證  
佛智運念已以手散華仍執香爐唱云

願此香華雲徧滿十方界供養一切佛尊法諸菩薩

聲聞緣覺衆及一切天仙受用作佛事

次起立  
唱云

供養已一切恭敬

禮

○第四召請誦呪方法

次當胡跪手執香爐燒衆名  
香一心召請三寶及功德天

等起殷重心。涕淚悲泣。一  
一想至道場。口作是言。

一心奉請南無本師釋迦文佛。東方阿閼四佛世尊。

寶華瑠璃寶勝佛等。盡金光明經中及十方三世一

切諸佛。

想云。

我三業性如虛空。一切諸佛亦如是。不起真際。為  
衆生與衆俱來受供養。三請已。一禮下。去準知。

一心奉請南無大乘金光明海十二部經。

想云。

法性如空。不可見。常在法寶難思議。  
我今三業如法。請惟願影現受供養。

一心奉請南無信相菩薩。金光明菩薩。金藏菩薩。常

悲法上。盡金光明經內及十方三世一切菩薩聲聞

緣覺賢聖僧。

運想如佛。但改第二  
句云三乘賢聖云。

一心奉請南無大梵尊天。三十三天。護世四王。金剛

密迹。散脂大將。大辯天神。訶梨帝喃。鬼子母等五百

眷屬。一切皆是大菩薩等。及此國內名山大川。一切

靈廟。某州地分。屬內鬼神。此所住處。護伽藍神。守正

法者。一切聖衆。

運想亦如佛。但改爲一切聖衆。亦如  
是。此但三請不應禮拜。白衣無妨。

一心奉請南無第一威德成就衆事大功德天。

行者  
應念

此菩薩卽是道場法門之主。當殷勤三請。希望來  
至。請已。各放香爐。卽便合掌。胡跪誦持本咒。若七

遍。若多遍。此咒正是召命天女及其徒屬。切在  
精專。一心致請。必望下降。果尅所求。令不虛爾。



南無佛陀南無達摩南無僧伽南無室利摩訶提鼻  
耶怛你也他波利富樓那遮利 三曼陀達舍尼

摩訶毘訶羅伽帝 三曼陀毘尼伽帝 摩訶迦利

野 波彌波羅波彌 薩利縛栗他 三曼陀修鉢

梨帝 富隸那阿夜那達磨帝 摩訶毘鼓畢帝

摩訶彌勒帝 婁簸僧祇帝 醯帝徒 僧祇醯帝

三曼陀 阿吽 阿菟婆羅尼

徧數訖  
起一禮

○第五讚歎述意方法

行者既咨請竟決定想一切  
三寶及諸天仙悉集道場。如  
對目前。即自了知身口意業充滿法界。面對法  
座。稱讚三寶微妙功德。口自宣偈而讚歎曰

佛面猶如淨滿月 亦如千日放光明

口淨脩廣若青蓮 齒白齊密猶珂雪

佛德無邊如大海 無限妙寶積其中

智慧德水鎮常盈 百千勝定咸充滿

足下輪相皆嚴飾 轂輞千輻悉齊平

手足縵網徧莊嚴 猶如鷲王相具足

佛身光耀等金山 清淨殊特無倫匹

亦如妙高功德滿 故我稽首佛山王

相好如空不可測 逾於千日放光明



皆如餒幻不思議

故我稽首心無著

讚已當述建識之意  
任自智力所東云云

○第六稱三寶及散灑方法

此散灑應通名奉供。則攝三寶諸天若直云散

應則局施諸神於理不便畧如前說行者

欲稱三寶當合掌低頭鞠躬平聲三稱云

南無寶華瑠璃佛南無金光明經南無第一威德成

就眾事大功德天

如是三稱已。次皮奉供。養專想而對。後陳辭句。餘時須除去飲食并

淨潔如法復持散擲等語。但云香華至同圓種智而止。便禮佛

今我道場敷設供養。然種種燈。燒種種香。奉種種飲

食。淨潔如法。恭持奉供。諸佛世尊。大乘經典。菩薩賢

聖。一切三寶。又復別具香華。飲食奉獻功德大天。大

辯四王。梵釋天龍八部聖眾。復持飲食散擲餘方施

諸神等。唯願三寶天仙。憐愍於我。及諸眾生。受此供

養。以金光明力。及諸佛威神。於一念間。顯現十方一

切佛刹。如雲徧滿。如雨溥洽。廣作佛事。等熏眾生。發

菩提心。同圓種智。

此亦應隨意所陳。未必專誦此語。作是語已。當持飲食至道場外淨

處布散四方。先作是言。

我今依教供養大乘三寶及吉祥大天。持此種種飲

食。散灑諸方。徧施諸神。願諸神明威權自在。一念普

集。各受法食充足無乏。身力勇銳守護堅強。知我所求願當相與。廻此福利普潤舍生。果報自然當受勝樂。作是咒願竟。即便以食散擲四方。想無量鬼神悉來受食。爾時或誦前咒。或但云南無室利摩訶提鼻耶。以食盡為度。

○第七禮敬三寶方法

灑散既竟。還至道場。應當一心正身威儀。禮敬諸佛。禮佛之法。隨所禮佛志心憶念。此佛法身猶如虚空。應物現形。如對目前。受我禮拜。餘一佛亦然。應專一心。不得散亂。爾時自知身心空寂。無能禮所禮。雖無有實。非不影現。一一佛前。頭面頂禮。法僧亦然。當熟誦補助儀中辭句。

一心頂禮。本師釋迦牟尼佛。

想云。

能禮所禮。性空寂感。應道交難思議。我此道場如珠。釋迦牟尼影現中。我身影現牟尼前。頭面接足歸命禮。

餘佛菩薩悉同。但改釋迦牟尼字為異。

一心頂禮。東方阿閼佛。

一心頂禮。南方寶相佛。

一心頂禮。西方無量壽佛。

一心頂禮。北方微妙聲佛。

一心頂禮。寶華瑠璃佛。

一心頂禮。寶勝佛。

一心頂禮。無垢熾寶光明王相佛。



一心頂禮。金燄光明佛

一心頂禮。金百光明照藏佛

一心頂禮。金山寶蓋佛

一心頂禮。金華燄光相佛

一心頂禮。大炬佛

一心頂禮。寶相佛

一心頂禮。盡金光明經中及十方三世一切諸佛

一心頂禮。大乘金光明海十二部經

二禮  
想云

真空法性如虛空常任法寶難思議  
我身影現法寶前莫不皆悉歸命禮

一心頂禮。信相菩薩摩訶薩

一心頂禮。金光明菩薩摩訶薩

一心頂禮。金藏菩薩摩訶薩

一心頂禮。常悲菩薩摩訶薩

一心頂禮。法上菩薩摩訶薩

一心頂禮。盡金光明經內及十方三世一切菩薩摩

訶薩

一心頂禮。舍利弗等一切聲聞緣覺賢聖僧

○第八修行五悔方法

一行者當自想身對三寶法座  
一心一意為一切眾生修行



80 1 2 3 4 5 6 7 8 9 90 1 2 3 4 5 6 7 8 9 100 1 2 3 4 5 6 7 8 9

命明懺悔

一五

懺悔。自憶先罪及今生所造若不懺悔當入阿鼻受極大苦。若有此罪尚不得剎那覆藏何況經久。滅障品云。有四種業難可滅除。一者於菩薩律儀。二罪。二者於大乘經心。生誹謗。三者於善。四對治。能增長。四者貪著。三。無出離心。有。四對治。者為。一。者於十方佛。至心親近。說一切罪。二。切眾生所。功德。四者所有善根。悉皆迴向。無上。菩提。文但有四悔。於理亦足。若開五悔者。但於迴向。開心無決定。喜退之障。既知此已。起大慚愧。實。有此罪。一心求滅。雖加苦到。不惜身命。慚愧等心。廣如懺悔品。疏先運想云。

我及眾生。無始常為三業六根。重罪所障。不見諸佛。不知出要。但順生死。不知妙理。我今雖知。猶與眾生同為一切重罪所障。今對十方佛前。普為眾生歸命。懺悔。唯願加護。令障消滅。想已。應起。胡跪唱云。

普為法界一切眾生悉願斷除三障歸命懺悔

五體投地

當運逆順十心云

我與眾生。無始來今。由愛見故。內計我人。外加惡友。不隨喜他。一毫之善。唯徧三業。廣造重罪。事雖不廣。惡心徧布。晝夜相續。無有間斷。覆諱過失。不欲人知。不畏惡道。無慚無愧。撥無因果。故於今日。深信因果。生重慚愧。生大怖畏。發露懺悔。斷相續心。發菩提心。斷惡修善。勤策三業。翻昔重過。隨喜凡聖。一毫之善。念十方佛。有大福慧。能救拔我。及諸眾生。從二死海。置三德岸。從無始來。不知諸法。性空寂。廣造眾惡。今知空寂。為求菩提。為眾生故。廣修諸善。徧斷眾惡。唯願諸佛。慈悲攝受。

運此逆順十心已。專想對十方一切佛前。涕淚悲泣。燒眾名香。而作是言。

我某甲歸命頂禮一切諸佛。現在十方已得道者。轉

妙法輪誘接一切。爲令衆生得清淨故。得安樂故。是諸世尊以真實慧以真實眼。真實證明。真實平等。悉知悉見。一切衆生善惡之業。我從無始。隨生死流。與一切衆生已造業障。爲貪瞋癡之所纏縛。未識佛時。未識法時。未識僧時。不了善惡爲身口意得無量罪。以惡心故。出佛身血。誹謗正法。破和合僧。殺阿羅漢。殺害父母。十不善法。自作教他。見作隨喜。於諸衆生。橫生毀此。斗稱欺誑。以僞爲真。不淨飲食。施與衆生。生死六道。所有父母。更相觸惱。塔物僧物。四方僧物。

心生偷奪。自在而用。諸佛法律。不樂奉持。師長教示。不相隨順。三乘行人。喜生罵辱。令其退恨。見有勝已。便懷嫉妬。法施財施。而生障礙。無明所覆。邪見惑心。使惡增長。於諸佛所。而起惡言。法說非法。非法說法。如是衆罪。齊如諸佛。真實慧眼。真實見知。奉對懺悔。不敢覆藏。願我此生。所有業障。皆得消除。所有惡報。未來不受。亦如過去。諸大菩薩。修菩提行。所有業障。悉已懺悔。我之業障。今亦懺悔。亦如現在。未來諸大菩薩。修菩提行。所有業障。皆悉懺悔。我之業障。今亦



懺悔已作之罪願乞消除未起之惡更不敢造

或三說或一說  
說已起立唱云

懺悔已歸命禮三寶

拜一

復次修勸請方法

行者應知勸請能滅魔障及誘  
方等之罪所得功德如人以滿  
碗伽沙三千大千世界七寶供養一切諸佛功  
德既知是已起殷重心五體投地口作是言

我某甲歸命頂禮十方一切諸佛世尊初成正覺未

轉法輪欲捨應身入涅槃者我皆頂禮是諸世尊勸

轉法輪請久住世度脫安樂一切衆生

或一或三說  
已起立唱云

勸請已歸命禮三寶

拜一

復次修隨喜方法

行者應知隨喜能破嫉妬之障  
增長自己無量善法若人供養  
碗伽沙三千大千世界滿中阿羅漢盡其形壽以  
上妙四事而供養之如是功德千分不及隨喜一  
分功德既知是已起殷重心五  
體投地燒衆名香而作是言

我某甲歸命頂禮十方一切諸佛世尊我今隨喜一

切衆生三業所修施戒心慧二乘菩薩賢聖善根十

方諸佛證妙菩提法施一切所有功德我皆至誠隨

喜讚歎

或一或三說  
已起立唱

隨喜已歸命禮三寶

拜一

復次修迴向方法

行者應知修迴向行能破著有  
及慳吝心迴向少善偏入三際

如滴水投海。如聲投角。則能遠遍。既知是已。起殷重心。五體投地。而作是言。

我某甲。歸命頂禮十方一切諸佛世尊。願作證知。我從無始。至於今日。三業所修。一切諸善。施戒禪慧。乃至懺悔。勸請隨喜。攝取現前。迴施法界。一切衆生。同

證菩提。如諸佛等。或一或三說。已起立唱云。

迴向已歸命禮三寶。

復次修發願方法。

行者應知發願要期。應以菩提涅槃二種果報而為所歸。能滅漏欲及退轉障。既知是已。當整威儀。起殷重心。五體投地。燒衆名香。而作是言。

我某甲。歸命頂禮十方一切諸佛世尊。證我微誠。現

前所願。願諸天八部增長威神。常來護持我此國土。

風祥雨順。穀果豐成。聖帝仁王。慈臨無際。羣臣官屬。

常守尊榮。萬姓四民。永安富樂。佛法檀越。父母師僧。

歷代冤親。法界含識。咸生正信。發菩提心。六度齊修。

二嚴等備。復願我等衆聖冥加。常值大乘。及善知識。

開我佛慧。願行現前。荷負流通。三世佛法。誘化一切。

然無盡燈。普會衆生。同歸秘藏。或一或三說。已起立唱云。

發願已歸命禮三寶。

○第九明旋遶自歸方法。行者行五悔已。當一心正身。威儀右遶法座。安詳徐

金光明懺儀

金光明懺儀



步。心念口稱三寶名字。如是三遍。爾時當了音聲如響。身心性空。舉足下足。心無依倚。不住行相。而復了知。影現十方。聲聞法界。  
徧於法座。如是知已。唱云。

南無十方佛 南無十方法 南無十方僧 南無

本師釋迦牟尼佛 南無四方四佛 南無寶華瑠

璃佛 南無大乘金光明經 南無信相菩薩 南

無金光明菩薩 南無金藏菩薩 南無常悲菩薩

南無法上菩薩 南無第一威德成就衆事大功

德天 如三反旋遶。唱既竟。當至佛前。一心正念。迴

自歸於佛。當願衆生。體解大道。發無上心。  
拜一

自歸於法。當願衆生。深入經藏。智慧如海。  
拜一

自歸於僧。當願衆生。統理大衆。一切無礙。  
拜一

和南聖衆

○第十明唱誦金光明典方法。行者上已禮旋竟。當

就別座唱誦是經。百錄令唯專唱誦。不明坐禪者

少異餘法。應如法華有相安樂。行不入三昧。但誦

持故。亦見上妙色像。三昧儀云。若人本不習坐。但

欲誦經懺悔。當於行坐之中。久誦經文。疲則暫息

息。竟便誦。亦不乖行法。彼則通坐通誦。兩無所乖。

金光明懺儀

十一

今同彼誦而不開坐。而亦於是典金光明中而得見我釋迦牟尼。問可通坐不。答亦應無妨。品云。令心安任。正念思惟是經深義。思惟通坐是義明矣。且依百錄。當誦經時。一心正念。使文句分明。音聲辯了。不寬不急。繫緣文句。如對文不異。不得謬誤。次應了知音聲性空。如空谷響。雖知空寂。而心歷歷照諸句義。言辭辯了。運此法音。充徧法界。供養三寶。普熏衆生。令得同入金光明法性海中。但誦經準法華儀有二種人。一具足誦。二不具足誦。具

足者。行人先曾遍誦一部。不具足者。行人本不曾誦。今欲修行法。但令誦安樂行一品。極令精熟。今亦如是。不具足者。宜誦空品。於行懺時。唯專誦之。若禮佛竟。正當誦時。不拘徧數。隨意堪任。問法華誦安樂行品。所行三昧與品相應。今亦應誦功德天行法本品。而令誦空品者何。答法華亦未必爾。故三昧儀云。若兼誦餘品。亦得。但不得誦餘經典籍。今誦空品亦無乖也。但正取意爲論。豈不行人上懺悔滅惡。讚歎供養禮敬生善。須空導成。經云。



一切種智而為根本。既不別令坐禪觀慧故。誦此  
品。擬觀最便。宜可思之。十科竟。意為論豈不令人

金光明懺法補助儀

弟子陳淨柱捐貲刻此  
天衣尊者撰而令誦空品者。其法華衣未以闕  
弟子陳淨柱捐貲刻此

金光明經空品及

懺法補助儀。願正法流通。民安世泰。

甲戌仲冬識于禪堂

金光明經空品

無量餘經 已廣說空 是故此中 畧而解說

衆生根鈍 眇於智慧 不能廣知 無量空義

故此尊經 略而說之 異妙方便 種種因緣

為鈍根故 起大悲心 我今演說 此妙經典

如我所解 知衆生意 是身虛偽 猶如空聚

六入村落 結賊所止 一切自住 各不相知

眼根受色 耳分別聲 鼻嗅諸香 舌嗜於味

所有身根 貪受諸觸 意根分別 一切諸法

六情諸根	各各自緣	諸塵境界	不行他緣
心如幻化	馳騁六情	而常妄想	分別諸法
猶如世人	馳走空聚	六賊所害	愚不知避
心常依止	六根境界	各自自知	所伺之處
隨行色聲	香味觸法	心處六情	如鳥投網
其心在在	常處諸根	隨逐諸塵	無有暫捨
身空虛僞	不可長養	無有諍訟	亦無正王
從諸因緣	和合而有	無有堅實	妄想故起
業力機關	假僞空聚	地水火風	合集成立

空器 動 靜 解

隨時增減	共相殘害	猶如四蛇	同處一篋
四大蛇蛇	其性各異	二上二下	諸方亦二
如是蛇大	悉滅無餘	地水二蛇	其性沉下
風火二蛇	性輕上升	心識二性	躁動不停
隨業受報	人天諸趣	隨所作業	而墮諸有
水火風種	散滅壞時	大小不淨	盪流於外
體生諸蟲	無可愛樂	捐棄塚間	如朽敗木
善女當觀	諸法如是	何處有人	及以衆生
本性空寂	無明故有	如是諸大	一一不實

空器



本自不生 性無和合 以是因緣 我說諸大  
從本不實 和合而有 無明體相 本自不有  
妄想因緣 和合而有 無所有故 假名無明  
是故我說 名曰無明 行識名色 六入觸受  
愛取有生 老死愁惱 衆苦行業 不可思議  
生死無際 輪轉不息 本無有生 亦無和合  
不善思惟 心行所造 我斷一切 諸見纏等  
以智慧刀 裂煩惱網 五陰舍宅 觀悉空寂  
證無上道 微妙功德 開甘露門 示甘露器

入甘露城 處甘露室 令諸衆生 食甘露味  
吹大法螺 擊大法鼓 然大法炬 雨勝法雨  
我今摧伏 一切怨結 豎立第一 微妙法幢  
度諸衆生 於生死海 永斷三惡 無量苦惱  
煩惱熾然 燒諸衆生 無有救護 無所依止  
我以甘露 清涼美味 充足是輩 令離焦熱  
於無量劫 遵修諸行 供養恭敬 諸佛世尊  
堅固修習 菩提之道 求於如來 真實法身  
捨諸所重 肢節手足 頭目髓腦 所愛妻子

空品

錢財珍寶 真珠瓔珞 金銀瑠璃 種種異物

金光明經空品

此處為書中正文，因字跡模糊，內容難以辨認，但可見其為多行排列的經文。

占察善惡業報經行法

明 古吳比丘智旭集

緣起第一

夫諸佛菩薩愍念羣迷。不啻如母憶子。故種種方便。教出苦輪。而衆生不了業報。因緣。罔知斷惡修善。淨信日微。五濁增盛。由此劇苦。機感倍關。無緣慈應。爰有當機名堅淨信。諮請世尊。曲垂悲救。佛乃廣歎地藏功德。令其建立方便。於是以三種輪相。示善惡差別。以二種觀道歸一實境界。仍誠業



高齋類稿卷之八  
勸修第二  
重之人。不得先修定慧。應依懺法得清淨已。然後  
修習二觀。尅獲無難。此誠末世對症之神劑。而方  
便中之殊勝方便也。予悲障深。丁茲法亂。律教禪  
宗。淆訛匪一。幸逢斯典。開我迷雲。理觀事儀。昭然  
可踐。竊以諸懺十科。行法詳略稍殊。一一闔陳。纖  
疑始決。罔敢師心。廼述緣起。

勸修第二

若佛弟子欲修出世正法者。欲現在無諸障緣者。  
欲除滅五逆十惡無間重業者。欲求資生衆具皆

得充饒者。欲令重難輕遮。皆得消滅者。欲得優婆  
塞沙彌比丘清淨律儀者。欲得菩薩三聚淨戒者。  
欲獲諸禪三昧者。欲獲無相智慧者。欲求現證三  
乘果位者。欲隨意往生淨佛國土者。欲悟無生法  
忍圓滿證入一實境界者。皆應受持修行此懺悔  
法。何以故。此是釋迦如來格外弘慈。地藏菩薩稱  
機悲願。無苦不拔。無樂不與。依此修行淨信堅固。  
如經廣明所宜諦信。

簡擇同行第三

經中不言人數多寡。准他行法得至十人。但須嚴  
擇。必求法器。倘無同志。獨行彌善。或有真實爲生  
死者。堪作伴侶。十人以內多寡無妨。又必先審所  
求。或求律儀。或求定慧。或求果證。或求往生。所求  
相合。方可同修。於十人內。仍須推一夙德爲教授  
師。事儀理觀。微細秉承。切勿鹵莽。唐拈苦行

占察輪相第四

懺悔之法。雖則普爲衆生發露。衆罪。然當人無始  
業習。各有偏強。是故經中先說占初輪相。然後明

懺悔法。今欲修懺悔者。既已嚴淨道場。宜於未建  
首前。各占輪相。簡察善惡。何罪偏重。應的悔之。於  
修懺時。庶便陳白。占法別附於後

正修懺法第五

准經自列亦具十科。

第一嚴淨道場

經云。欲修懺悔者。當任靜處。隨力所能。莊嚴一室。  
內置佛事。及安經法。懸繒幡蓋。求集香華。以修供

養

第二清淨三業

經云。澡浴身體。及洗衣服。勿令臭穢。准諸行法。每  
至穢處。必須更觸衣。旋轉。既訖。洗浴清淨。還著淨  
衣。縱一日都不至穢。亦須一浴。終竟一期。或七月



或二七三七乃至千日，以得三業純善輪相爲期，於中專莫雜語及一切接對問訊，或有所需，但可直索，不得因事卒發餘語，專秉一心念所修法，不得利耶念世雜事，當思生死事大，無常迅速，堅精努力，乃克有濟，倘稍違淨法，則唐喪伽婆，不可不慎。

第三香華供養

行者初入道場，至法座前，敷具正身，合掌倚立，應先緣念一切三寶體常徧滿無所不在，衆生迷惑流轉，可哀，我爲衆生翻迷歸悟，禮敬二寶，作是念已，唱

一切恭敬

一心敬禮十方常住三寶 如是禮已，隨所有香華等，當修供養，作是唱言。

嚴持香華如法供養

願此香華雲徧滿十方界，供養一切佛，尊法諸賢聖。

無邊佛土中，受用作佛事。 至此停唱，散華作供，手執香爐，作是想云。

一切佛法僧寶體常徧滿，無所不在，願令以此香華等同法性普熏一切諸佛刹土，施作佛事。十方

一切供具無時不有，我今當以十方所有一切種

種香華瓔珞幢幡寶蓋諸珍妙飾種種音樂燈明

燭火飲食衣服臥具湯藥乃至盡十方所有一切

種種莊嚴供養之具，憶想遙擬普共衆生奉獻供

養一切世界中，有修供養者，我今隨喜，若未修供

養者願得開導令修供養。又願我身速能徧至一切刹土。於一一佛法僧所各以一切種莊嚴供養之具。共一切衆生等持奉獻供養。一切諸佛法身色身舍利形像浮圖廟塔一切佛事。供養一切所有法藏及說法處。供養一切賢聖僧衆。願共一切衆生修行如是供養已。漸得成就六波羅蜜。四無量心。淡知一切法本來寂靜。無生無滅。一味平等。離念清淨。畢竟圓滿。此段全用經文。作是念已。即云。

供養已。一切恭敬。

一禮。

第四啓請三寶諸天

本經無啓請法。准餘行儀。於建首日。宜致三請。良以三寶雖無所不在。而衆生久積迷惑。背覺合塵。念與悲願。今既翻迷歸悟。應須緣念三寶。充滿虛空。應物現形。如水中月。作是念已。淨淚翹勤。逐位三請。手執香爐。燒衆名香。口作是唱。

一心奉請南無本師釋迦牟尼佛。想云。我三業性如虛空。釋迦如來亦

如是。不起真際。爲衆生與衆俱來受供養。下皆准此。但改佛名及形相來處。至請賢聖。則云一切賢聖亦如是。餘皆准知。

三請畢。隨作一禮。

一心奉請南無毘婆尸等過去七佛。

一心奉請南無普光佛等五十三佛。

一心奉請南無一切諸佛所有色身舍利形像浮圖



廟塔一切佛事想云諸佛法身如虛空。化事住世難思議。我今三業如法請。惟願影

現受供養

一心奉請南無十方三世一切諸佛

一心奉請南無占察善惡業報經微妙法藏想云。法性如空

不可見。常住法寶難思議。我今三業如法請。惟願影現受供養

一心奉請南無十方一切法藏想如上

一心奉請南無十方一切賢聖

一心奉請南無堅淨信菩薩摩訶薩此是當機啓教之人。應念菩薩

爲我等故。請問大法。我今得聞此最勝法。皆是菩薩莫大恩德

一心奉請南無徧吉菩薩觀世音菩薩摩訶薩應念此二菩薩慈悲慧行。普度羣迷。與地藏菩薩威神無異

菩薩慈悲慧行。普度羣迷。與地藏菩薩威神無異

一心奉請南無地藏菩薩摩訶薩應念此是我等的對讖悔之主。依此

菩薩大慈大悲。威神力故。令我無惡不滅。無善不生。我今歸命啓請。如子憶母。此爲道場正主。餘佛菩薩同作證明。涕泣求哀。猶如面奉。必冀菩薩攝受護持。觀想偈文。應知如上

一心奉請梵釋四王天龍八部僧伽藍內護正法者

一切聖衆例皆三請。但除禮拜。白衣無妨

例皆三請。但除禮拜。白衣無妨

惟願釋迦慈父。七佛世尊。五十三佛。一切覺者。他心

道眼。無礙見聞。身遍自在。來降道場。攝取我等。令成

淨信 占察善惡業報尊經。十方一切清淨法藏等  
眞法性。充滿虛空。顯現道場。受我供養。堅淨信菩  
薩。徧吉菩薩。觀世音菩薩等。十方一切賢聖。不捨大  
慈。來臨法座。哀憐覆護。證我。行法。地藏菩薩摩訶  
薩。救世眞士。大智開士。善安慰說者。速除諸障。增淨  
信者。大慈大悲。不違本誓。放大光明。滿我所願。護  
法天龍。伽藍眞宰。隨我請來。堅守道場。却諸魔障。示  
現吉祥。令我所修。自在成就。每節執爐三說已。一  
惟護法處不須禮拜。白  
衣無妨  
第五讚禮三寶

經無讚法。不別立科。但取十輪經中地  
藏菩薩讚佛二偈。隨行禮敬。合爲一科。

我聞徧知海 眞實德無邊 度脫諸有情

心歡喜敬禮 曾修無量福 今得禮尊足

願無量劫中 常修多供養

一心敬禮過去毘婆尸佛 想云。能禮所禮性空寂。感  
應道交難思議。我此道場

如帝珠。毘婆尸佛影現中。我身影現如來前。  
頭面接足歸命禮。下皆准此。恒改佛菩薩名。

一心敬禮尸棄佛

一心敬禮毘舍浮佛

一心敬禮拘留孫佛



心敬禮拘那含牟尼佛

心敬禮迦葉佛

心敬禮本師釋迦牟尼佛

心敬禮普光佛

心敬禮普明佛

心敬禮普淨佛

心敬禮多摩羅跋耨檀香佛

心敬禮栴檀光佛

心敬禮摩尼幢佛

一心敬禮歡喜藏摩尼寶積佛

一心敬禮一切世間樂見上大精進佛

一心敬禮摩尼幢燈光佛

一心敬禮慧炬照佛

一心敬禮海德光明佛

一心敬禮金剛牢強普散金光佛

一心敬禮大強精進勇猛佛

一心敬禮大悲光佛

一心敬禮慈力王佛

古經行法

古經行法

心敬禮慈藏佛

心敬禮梅檀窟莊嚴勝佛

心敬禮賢善首佛

心敬禮善意佛

心敬禮廣莊嚴王佛

心敬禮金華光佛

心敬禮寶蓋照空自在力王佛

心敬禮虛空寶華光佛

心敬禮琉璃莊嚴王佛

心敬禮普現色身光佛

心敬禮不動智光佛

心敬禮降伏衆魔王佛

心敬禮才光明佛

心敬禮智慧勝佛

心敬禮彌勒仙光佛

心敬禮善寂月音妙尊智王佛

心敬禮世淨光佛

心敬禮龍種上尊王佛

此經行法

古祭行法

九



觀經行法

一心敬禮日月光佛

一心敬禮日月珠光佛

一心敬禮慧幢勝王佛

一心敬禮師子吼自在力王佛

一心敬禮妙音勝佛

一心敬禮常光幢佛

一心敬禮觀世燈佛

一心敬禮慧威燈王佛

一心敬禮法勝王佛

一心敬禮須彌光佛

一心敬禮須摩那華光佛

一心敬禮優曇鉢羅華殊勝王佛

一心敬禮大慧力王佛

一心敬禮阿閼毘歡喜光佛

一心敬禮無量音聲王佛

一心敬禮才光佛

一心敬禮金海光佛

一心敬禮山海慧自在通王佛

古經行法

十

心敬禮大通光佛

心敬禮一切法幢滿王佛

一心敬禮東方一切諸佛所有色身舍利形像浮圖

廟塔一切佛事

想云諸佛法身如虛空。化事住世難思議我皆影現化事前一一皆

悉歸命禮

一心敬禮東南方一切諸佛所有色身舍利形像浮

圖廟塔一切佛事

一心敬禮南方一切諸佛所有色身舍利形像浮圖

廟塔一切佛事

一心敬禮西南方一切諸佛所有色身舍利形像浮

圖廟塔一切佛事

一心敬禮西方一切諸佛所有色身舍利形像浮圖

廟塔一切佛事

一心敬禮西北方一切諸佛所有色身舍利形像浮

圖廟塔一切佛事

一心敬禮北方一切諸佛所有色身舍利形像浮圖

廟塔一切佛事

一心敬禮東北方一切諸佛所有色身舍利形像浮



占察經法

圖廟塔一切佛事

一心敬禮下方一切諸佛所有色身舍利形像浮圖

廟塔一切佛事

一心敬禮上方一切諸佛所有色身舍利形像浮圖

廟塔一切佛事

一心敬禮十方三世一切諸佛

一心敬禮十方一切法藏三禮此恐太繁依闍取決  
倘能隨十方而一一致禮

尤為善也。想云。真空法性如虛空。常住法寶難思  
議。我身影現法寶前。一心如法歸命禮。下一禮拜

一心敬禮占察善惡業報經微妙法藏

一心敬禮十方一切賢聖三禮此亦依闍取決倘能  
隨十方而一一致禮尤善

一心敬禮堅淨信菩薩摩訶薩

一心敬禮徧吉菩薩觀世音菩薩摩訶薩

一心敬禮地藏菩薩摩訶薩此是懺主應須三禮想  
倘如前但未句須云為

求滅障接足禮。又或各隨所求稱之亦可。如求律  
儀即云為求律儀接足禮。求證果。求往生等類。此

可知

第六修行懺悔

經云。懺悔說所伴罪。一心仰告。夫罪雖無量。而就  
輪指所現者。尤為最重。能招惡果。能障聖道。故須  
慚愧涕淚。各別陳之。殷勤悔過。冀令消滅。五體投  
地。說重罪已。仍作是念。

我及衆生無始常為三業六根重罪所障。不見諸

佛不知出要。但順生死。不知妙理。我今雖知。猶與

衆生同爲一切重罪所障。今對地藏十方佛前。普

爲衆生歸命懺悔。惟願加護。令障消滅。

作是念已  
胡跪唱言

普爲法界一切衆生。悉願斷除三障。歸命懺悔。

四已  
五體

投地復  
作是念

我與衆生。無始來今。由愛見故。內計我人。外加

惡友。二不隨喜他。一毫之善。三惟徧三業。廣造衆

罪。四事雖不廣。惡心徧布。五晝夜相續。無有間斷。

六覆諱過失。不欲人知。七不畏惡道。八無慚無愧。

九撥無因果。十故於今日。深信因果。一生重慚愧。

二生大怖畏。三發露懺悔。四斷相續心。五發菩提

心。斷惡修善。六勤策三業。翻昔重過。七隨喜九聖。

一毫之善。八念十方佛。有大福慧。能救拔我及諸

衆生。從二死海。置三德岸。九從無始來。不知諸法。

本性。空寂。廣造衆惡。今知空寂。爲求菩提。爲衆生

故。廣修諸善。徧斷衆惡。十惟願一切三寶地。藏菩

薩。慈悲攝受。聽我懺悔。

作是念已  
胡跪唱言

我弟子某甲。至心懺悔。我及衆生。自性清淨。一實境。



界諸佛。體同。無明癡暗。熏習因緣。現妄境界。令生念著。計我。我所。習諸惡法。三業六根。廣造衆罪。十惡五逆。重難輕遮。障慧障定。障諸戒品。致使長淪苦海。永無出期。設欲修行。多諸疑障。或擾外魔。或遭邪見。助緣缺乏。淨信不成。今遇

地藏菩薩摩訶薩。善安慰說。開我迷雲。滌慮洗心。求哀悔過。惟願十方

諸大慈尊。證知護念。我今懺悔。不復更造。願我及一切衆生。速得除滅。無量劫來。十惡四重。五逆顛倒。謗

毀三寶。一闡提罪。如是罪性。本惟空寂。但從虛妄。顛倒心起。無有定實。而可得者。願一切衆生。速達心本

永滅罪根。或一說或三說皆可。下四亦然。懺悔已歸命禮三寶。此

悔文。并下三願。皆出本經。但於惟願之前。批略經中他處數語。以表說所作罪。一心仰告之意。餘皆一字弗取。移易。

第七發勸請願  
我弟子某甲。至心勸請。願令十方一切菩薩。未成正

覺者。願速成正覺。若已成正覺者。願常住在世。轉正法輪。不入涅槃。勸請已。歸命禮三寶。

第八發  
隨喜願

我弟子某甲。至心隨喜。願我及一切衆生。畢竟永捨  
嫉妬之心。於三世中。一切刹土。所有修學。一切功德  
及成就者。悉皆隨喜。隨喜已。歸命禮三寶。

第九發  
迴向願

我弟子某甲。至心迴向。願我所修。一切功德。資益一  
切諸衆生等。同趣佛智。至涅槃城。迴向已。歸命禮

三寶

第十補發願及端坐靜室稱念名號  
五悔法門別有發願。此經不說。蓋以勸請等三。卽  
是願故。又行人修此懺法。所求不同。或求律儀。或  
求定慧。或求往生淨土。或求現在安樂。今因闡決

聽許補願。是在修行者各自陳白。不容預擬成言。  
道然所求之願。雖各不同。須與四弘相合。不得增  
長。生死誠恐不知。梗概違背經宗。聊陳  
大意。以便行持。或用或否。任從決擇。

我弟子某甲。至心發願願

十方三寶地。藏慈尊。哀愍護持。救拔拯濟。令此國土  
災亂消除。正法流通。咸生淨信。無諸障礙。永斷魔邪。  
我及衆生。重罪速滅。現離衰惱。充足資生。三聚戒根。  
畢竟清淨。二種觀道。應念現前。三昧總持。神通方便。  
四攝六度。無不圓成。了悟自心。一實境界。捨身他世。  
生在佛前。面奉



彌陀歷侍諸佛親蒙授記迴入塵勞普會羣迷同歸  
秘藏發願已歸命禮三寶

自歸依佛當願衆生體解大道發無上心

自歸依法當願衆生深入經藏智慧如海

自歸依僧當願衆生統理大衆一切無礙

和南聖衆次往餘靜室端坐一心若稱誦若默念地  
藏菩薩其偈蓋多者應於道場中旋遠誦

念書三夜三具如經說七日之後每旦以第二輪  
指頰三擲之若身口意皆純善者各得清淨若不

得三業純善輪相者雖見光明異香吉祥好夢等  
止名虛妄非善相也若未獲純善輪相以前止首

誦念地藏名號未許修行觀法得善  
相後乃於三種觀道可以如實修之

別明二種觀道第六

諸懺坐禪一科卽於懺畢  
出壇時修故列在正修第  
十此經二觀要於懺悔清淨之後  
方許正修故十科畢方別明之

經云彼諸衆生但學至心使身口意得清淨相已

我亦護念乃至堪能修習諸禪智慧又云若有衆

生欲向大乘者應當先知最初所行根本之業所

謂依止一實境界以修信解又云若欲依一實境

界修信解者應當學習二種觀道一者唯心識觀

二者真如實觀學唯心識觀者於一切時一切處

隨身口意有所作業悉當觀察知唯是心乃至一

一切境界若心住念皆當察知勿使心無記攀緣不自覺知於念念間悉應觀察隨心有所緣念還當使心隨逐彼念令心自知知己內心自生想念非一切境界有念有分別也常應如是守記內心知唯妄念無實境界勿令休廢是名修學唯心識觀念念觀知唯心生滅如水流燈燄無暫時住從是當得色寂三昧得此三昧已次應學習信奢摩他觀心及信毘婆舍那觀心學真如實觀者思惟心性無生無滅不住見聞覺知離一切分別想漸漸

能過四空定境界指得相似空三昧展轉能入心寂三昧卽復能入一行三昧見佛無數發深廣心住堅信位所謂於奢摩他毘婆舍那二種觀道決定信解能決定向復次修學如上信解者人有二種一者利根先已能知一切外境惟心所作虛誑不實如夢如幻等決定無疑障蓋輕微散亂心少如是等人卽應學習真如實觀二者鈍根先未能知一切外境悉唯是心染著情厚蓋障數起心難調伏應當先學唯心識觀今依經文畧出其意此



經本以一實境界爲體。二種觀道爲宗。若非洞明一實境界。無以稱性起於二觀。若非殷勤修習二觀。無以契會一實境界。一實境界者。卽是不思議境。亦名諸法實相。謂境界卽諸法。一實卽實相。境界卽事造三千。一實卽理具三千。境界卽權。一實卽實權。實不二。理事一如。故名一實境界。又以境界從一實則一空。一切空。不思議眞諦也。以一實從境界則一假。一切假。不思議俗諦也。直云一實境界。則一中一切中。不思議中道第一義諦也。故

經云。安心畢竟無體。不可見。故若無覺知。能分別者。則無十方三世一切境界差別之相。豈非卽空義耶。又云。無分別相者。於一切處無所不在。以能依持建立一切法故。豈非卽假義耶。又云。衆生心體從本以來。不生不滅。自性清淨。又云。當知一切諸法。悉名爲心。以義體不異。爲心所攝故。又云。一切衆生種種果報。皆依諸佛法身而有。建立生長住法身中。爲法身處所攝。以法身爲體。無有能出法身界分者。豈非卽中義耶。故知一實境界。則已

收盡中論一偈之旨。境界卽因緣所生法。一實卽是空假中也。中論約觀故先立境。此經顯諦故先出理。依此一實境界以修信解則知二種觀道全是不思議法門。而復於中分利分鈍者。略出二意。一者此經雖正明圓頓宗旨。而兼攝別機。名圓爲利。名別爲鈍。二者雖是圓機於中。仍分利鈍。初意者。圓教行人於名字位中能知如來秘密之藏。肉眼卽名佛眼。故能學習真如實觀。了知現前心性本自不生不復更滅。所謂法界一相。雖三千歷然。

而究竟平等。此卽名字位中初修觀行之法也。得相似空三昧。位登五品。圓伏五住。故超過空等定境界。相入心寂三昧。卽能入一行三昧。住堅信位。所謂六根清淨。相似卽佛也。故於奢摩他毘婆舍那二種觀道。決定信解。能決定向。以奢摩他是不思議三止。毘婆舍那是不思議三觀。止觀不二。卽是般若第一義空。首楞嚴究竟解脫。初住分證。任運現前十信位中。名得決定也。若別教行人名字位中。雖聞中道。未能了知。但可仰信。故須先學唯



西齋行泚  
心識觀了知實無外境。唯有內心。卽是從假入空。不無次第。故先得色寂三昧。准位當在別教十信。若望圓教。位在五品。次應學習信奢摩他毘婆舍那。二觀則教之捨別從圓也。次意者。圓教利機。卽於識心體。其本寂。三千宛然。卽空假中。故云卽應學習真如實觀。其稍鈍者。必須照於起心。變造十界。卽空假中。故云應當先學唯心識觀也。然於一實境界。若善能得意。則稱性所起二觀。用雖不同。實無優劣。言用不同者。如詳解云。唯識歷事真如。

觀理。觀本寂三千爲理。觀炤起心變造十界名事。觀從理惟達法性。從事專炤起心。又直觀一念本具三千。各理觀。縱任三性。用於四運。推檢起心變造十界名事。觀。故古人約起心不起心。推運不推運分之。言無優劣者。如詳解云。須知占察知唯是心。則於色界及諸外境。不起分別。所以經云。色寂三昧。非謂事觀專觀外色。真如實觀。思惟心性不生不滅。以能超過無色四空。心及心所二俱寂滅。是故經云。心寂三昧。非謂理觀唯在內心。又云。修

理觀者。雖云但觀理具。須知全修在性。則善修實相觀也。修事觀者。雖觀能造十界之心。須知全性成修。則善修唯識觀也。又指要鈔云。應知觀於內心。二觀既爾。觀於外境。二觀亦然。以此言之。則一色一香。一塵一法。皆了唯心。同歸真實。隨宜方便。究竟無殊。又此二觀。雖云懺悔得清淨相。乃可修之。而正行懺悔及稱念地藏名時。非無二觀。如修懺時。始從香華供養。終至三歸。歷事分明。連想無滯。知唯心作。無實境界。是名唯心識觀。若始從供

養乃至三歸。事雖歷歷。一心不生。是名真如實觀。又稱名時。歷歷分明。知心如幻。地藏洪名。不離自心。是名唯心識觀。若觀地藏法身。及一切諸佛法身。與己自身體性平等。無二無別。不生不滅。常樂我淨。功德圓滿。是名真如實觀。又既得善相。正修二觀之時。亦可仍前修行懺法。及稱名號。卽以懺法稱名。助成二觀。轉更分明。所以菩薩五悔法門。始自凡夫。終於等覺。無不以之爲進修方便。須知作法取相。無生三種懺法。後後具於前前。前前亦



通後後事理相扶始終一致方名圓頓法門倘輕  
忽事相高談名理重罪不滅善法不生是故末世  
行人切須體會堅淨信菩薩問法苦心深究地藏  
大士立法本意以真實不欺誑心不忽略心痛切  
爲生死心無上大菩提心於此經中開發正解成  
就真修得堅固信不墮疑障如或不然遇饌不食  
寶山空回救世真士大智開士亦末如之何也矣  
又附占輪相法  
至心敬禮十方一切諸佛

願令十方一切衆生速疾皆得親近供養聽受正  
法

至心敬禮十方一切法藏

願令十方一切衆生速疾皆得受持讀誦如法修  
行及爲他說

至心敬禮十方一切賢聖

願令十方一切衆生速疾皆得親近供養發菩提  
心至不退轉

至心敬禮地藏菩薩摩訶薩

地藏經

願令十方一切衆生速得除滅惡業重罪離諸障  
礙資生衆具悉皆充足如是禮已隨所有香華等  
常修供養作是唱言

嚴持香華如法供養  
願此香華雲徧滿十方界供養一切佛尊法諸賢聖  
無邊佛土中受用作佛事至此停唱散華  
作供復運想云

一切佛法僧寶乃至離念清淨畢竟圓滿全文具  
藏儀中  
須精熟之使運想不滯供養已一切恭敬一禮 次復別用  
香華係心供養地  
藏菩薩一心告言弟子某甲現是生死凡夫罪障  
深重不知三世業報因緣多懷疑惑今以其事敬  
依菩薩所示三種輪相如法古察至心仰叩地藏  
慈尊願以大共力加被拯接除我疑障作是語已

五體投地胡跪  
合掌一心稱念

南無地藏菩薩摩訶薩

或稱名或默念滿  
足至千乃作是白

地藏菩薩摩訶薩大慈大悲惟願護念我及一切衆  
生速除諸障增長淨信令今所觀稱實相應作此語  
已雙手

捧於輪相承以淨物至誠殷重仰手傍擲諦觀諦  
察乃知相應與不相應具如經說須先自薰玩經  
文知其大意方可擲輪否則自無細心及疑輪爲  
虛設爲罪多矣

凡占輪相者或欲具占三種輪相應如是禮拜供  
養稱名作白然後占初輪相就初輪中所現善惡  
一一至念別占第二輪相次復更占第三輪相若  
有欲修懺法止占第一第二兩種輪相者亦應如  
是禮拜供養稱名作白次第占之若有爲自爲他  
但占第三輪相欲知三世果報事者亦應如是禮



拜供養稱名作白取第三輪相頻三擲之。記其所  
現之數以知吉凶。若有修懺已經七日之後欲但  
占第二輪相求純善相者。於清晨時。惟須作白頻  
三擲之。

附懺壇中齋佛儀

南無十方佛

南無十方法

南無十方僧

南無本師釋迦牟尼佛

南無過去七佛

南無五十三佛

南無十方一切佛事

南無占察善惡業報經

南無堅淨信菩薩

南無徧吉菩薩

南無觀世音菩薩

南無地藏菩薩摩訶薩

三稱畢。次誦變食真言二十  
一徧。甘露真言三徧。灑淨

讚禮地藏菩薩懺願儀

明 菩薩沙彌古吳智旭述

行者淨身口意。至尊像前。應念我及衆生。積造  
罪無敬無歸。大士洪慈。爲歸爲救。又念大士法身  
及十方三寶體。帝徧滿無所不在。與我現前。心性  
平等。無二。起淺信解。如奉慈顏。敷具拱立。習云

一切恭敬

一心頂禮十方常住三寶

總一禮已。嚴持香  
華。如法供養。習云

願此香華雲徧滿十方界。供養一切佛。尊法諸賢聖。

無邊佛土中。受用作佛事。

至此停唱。燒香  
散華。至心想云

一切佛法僧寶體。常徧滿無所不在。願令以此香

華等同法性。普熏一切諸佛刹土。施作佛事。十方一切供具。無時不有。我今當以十方所有一切種種香華瓔珞幢幡寶蓋諸珍妙飾。種種音樂燈明燭火。飲食衣服臥具湯藥。乃至盡十方所有一切種種莊嚴供養之具。憶想遙擬。普共衆生奉獻供養。一切世界中。有修供養者。我今隨喜。若未修供養者。願得開導。令修供養。又願我身。速能徧至一切刹土。於一一佛法僧所。各以一切種莊嚴供養之具。共一切衆生。等持奉獻。供養一切諸佛法身。

色身。舍利形像。浮圖廟塔。一切佛事。供養一切所有法藏及說法處。供養一切賢聖僧衆。願共一切衆生修行。如是供養已。漸得成就。六波羅密。四無量心。深知一切法本。來寂靜。無生無滅。一味平等。

離念清淨。畢竟圓滿。想已

供養已。一切恭敬。一禮已次復合掌讚云

南無地藏菩薩摩訶薩。以神通力。現聲聞像。是諸微妙功德伏藏。是諸解脫珍寶出處。是諸菩薩明淨眼目。是超涅槃商人導首。如如意珠。雨衆財寶。隨所希

施地藥師



求皆令滿足。照行善者。猶如朗日。照失道者。猶如明炬。除煩惱熱。如月清涼。渡四流者。爲作橋梁。趨彼岸者。爲作船筏。伏諸外道。如師子王。降諸天魔。如大龍象。護諸怖畏。如親如友。防諸怨敵。如壘如城。救諸危難。猶如父母。藏諸怯劣。猶若叢林。令諸有情。善根不壞。現妙境界。令衆欣悅。勸發有情。增上慚愧。求福慧者。令具莊嚴。能無功用。轉大法輪。殊勝功德。不能測量。久修堅固。大願大悲。勇猛精進。過諸菩薩。於一食頃。至心歸依。稱名念誦。禮拜供養。能令一切。皆離憂

苦。求諸所願。速得滿足。安置生天涅槃之道。故我一

心歸命頂禮

讚已。一禮。添香致敬。唱云。

一心頂禮本師釋迦牟尼如來

拜下想云。能禮所禮。性空寂。感應道交。

思議。我此道場。如帝珠。釋迦如來影現中。我身影現如來前頭面。接足歸命禮。下皆准此。唯改佛名。

一心頂禮過去師子奮迅具足萬行如來覺華定自

在王如來

一心頂禮一切智成就如來清淨蓮華目如來

一心頂禮無邊身如來寶性如來波頭摩勝如來師

子吼如來

禮地藏經

一心頂禮寶勝如來寶相如來袈裟幢如來大通山王如來

一心頂禮淨月佛山王佛智勝佛淨明王佛智成就佛無上佛妙聲佛滿月佛月面佛如是等不可說

諸佛如來

一心頂禮拘留孫佛毘婆尸佛等七佛如來

一心頂禮普光佛等五十三佛如來

一心頂禮過去殞伽沙等諸佛如來

一心頂禮忉利天宮十方集會無量世界不可說不

可說一切諸佛如來

一心頂禮未來淨住世界安樂劫中無相如來及十

方三世一切諸佛如來

一心頂禮十方一切諸佛所有色身舍利形像浮圖

廟塔一切佛事

想云諸佛法身如虛空化事住世難思議我皆影現化事前一一皆

悉歸命禮

一心頂禮地藏菩薩本願經大乘大集地藏十輪經

占察善惡業報經及十方三世一切法藏

總二三禮想云真

空法界如虛空帝任法寶難思議我皆影現法寶前莫不皆悉歸命禮

禮地藏經

四



禮地新儀

心頂禮文殊師利菩薩財首菩薩定自在王菩薩  
摩訶薩

想偈如佛但改菩薩名字下皆做此

心頂禮無盡意菩薩解脫菩薩普賢菩薩摩訶薩  
心頂禮普廣菩薩觀世音菩薩虛空藏菩薩摩訶薩

心頂禮好疑問菩薩彌勒菩薩金剛藏菩薩堅淨  
信菩薩摩訶薩

心頂禮十方三世一切菩薩摩訶薩  
心頂禮憍陳那尊者優波離尊者目乾連尊者一

切聲聞緣覺賢聖僧

心頂禮忉利宮中分身來集地藏菩薩摩訶薩

心頂禮大集會中現聲聞相地藏菩薩摩訶薩

心頂禮占察經中善安慰說地藏菩薩摩訶薩

心頂禮入能發智定地藏菩薩摩訶薩

心頂禮入具足無邊智定地藏菩薩摩訶薩

心頂禮入具足清淨智定地藏菩薩摩訶薩

心頂禮入具足慚愧智定地藏菩薩摩訶薩

心頂禮入具足諸乘明定地藏菩薩摩訶薩

禮地新儀

- 一 心頂禮入無憂神通明定地藏菩薩摩訶薩
- 一 心頂禮入具足勝通明定地藏菩薩摩訶薩
- 一 心頂禮入普照諸世間定地藏菩薩摩訶薩
- 一 心頂禮入諸佛燈炬明定地藏菩薩摩訶薩
- 一 心頂禮入金剛光定地藏菩薩摩訶薩
- 一 心頂禮入智力難推伏定地藏菩薩摩訶薩
- 一 心頂禮入電光明定地藏菩薩摩訶薩
- 一 心頂禮入具足上妙味定地藏菩薩摩訶薩
- 一 心頂禮入具足勝精氣定地藏菩薩摩訶薩

- 一 心頂禮入上妙諸資具定地藏菩薩摩訶薩
- 一 心頂禮入無諍智定地藏菩薩摩訶薩
- 一 心頂禮入能引勝踴躍定地藏菩薩摩訶薩
- 一 心頂禮入具足世路光定地藏菩薩摩訶薩
- 一 心頂禮入善住勝金剛定地藏菩薩摩訶薩
- 一 心頂禮入增上觀勝幢定地藏菩薩摩訶薩
- 一 心頂禮入具足慈悲聲定地藏菩薩摩訶薩
- 一 心頂禮入引集諸福德定地藏菩薩摩訶薩
- 一 心頂禮入海電光定地藏菩薩摩訶薩



地藏菩薩摩訶薩  
一心頂禮能入如是苑伽沙等諸定成熟一切有情

一心頂禮以諸定力除刀兵劫地藏菩薩摩訶薩

一心頂禮以諸定力除疫病劫地藏菩薩摩訶薩

一心頂禮以諸定力除饑饉劫地藏菩薩摩訶薩

如前想偈畢。復作是念。

我及衆生無始常爲三業六根重罪所障。不見諸

佛。不知出要。但順生死。不知妙理。我今雖知。猶與

衆生同爲一切重罪所障。今對地藏十方佛前。普

爲衆生歸命懺悔。惟願加護。令障消滅。

普爲法界一切衆生。悉願斷除三障。歸命懺悔。

投地復作是念。我與衆生。無始來今。絲愛見。故內計我人。

一外加惡友。二不隨喜他。一毫之善。三惟徧三業。

廣造衆罪。四事雖不廣。惡心徧布。五晝夜相續。無

有間斷。六覆諱過失。不欲人知。七不畏惡道。八無

慚無愧。九撥無因果。十故於今日。深信因果。一生

重慚愧。二生大怖畏。三發露懺悔。四斷相續心。五

發菩提心。斷惡修善。六勤策三業。翻昔重過。七隨

八  
九  
十  
十一  
十二  
十三  
十四  
十五  
十六  
十七  
十八  
十九  
二十  
二十一  
二十二  
二十三  
二十四  
二十五  
二十六  
二十七  
二十八  
二十九  
三十  
三十一  
三十二  
三十三  
三十四  
三十五  
三十六  
三十七  
三十八  
三十九  
四十  
四十一  
四十二  
四十三  
四十四  
四十五  
四十六  
四十七  
四十八  
四十九  
五十  
五十一  
五十二  
五十三  
五十四  
五十五  
五十六  
五十七  
五十八  
五十九  
六十  
六十一  
六十二  
六十三  
六十四  
六十五  
六十六  
六十七  
六十八  
六十九  
七十  
七十一  
七十二  
七十三  
七十四  
七十五  
七十六  
七十七  
七十八  
七十九  
八十  
八十一  
八十二  
八十三  
八十四  
八十五  
八十六  
八十七  
八十八  
八十九  
九十  
九十一  
九十二  
九十三  
九十四  
九十五  
九十六  
九十七  
九十八  
九十九  
一百

喜凡聖一毫之善八念十方佛有大福慧能救拔  
我及諸衆生從二死海置三德岸九從無始來不  
知諸法本性空寂廣造衆惡今知空寂爲求菩提  
爲衆生故廣修諸善徧斷衆惡十惟願地藏慈悲

攝受作是念已應起胡跪唱言

至心懺悔我弟子某甲與法界衆生自迷法性枉受  
輪迴無明覆心不知出要懷聰明慢自實愚癡聞大  
乘法謬生空解撥無因果斷滅善根遠離正信遠離  
正願離正意樂及以正見遠善知識好處好時遠離

淨戒正定正慧隨逐惡友起諸邪見造身語意無量  
罪業或復毀謗大乘正法或復毀謗獨覺乘法或復  
毀謗聲聞乘法障蔽隱沒不令流布或復於彼諸佛  
弟子若是法器若非法器具戒破戒下至無戒著片  
袈裟剃鬚髮者多行忿恨訶罵毀辱譏刺誹謗隱善  
揚惡以麤惡言期尅迫憊打棒傷害侵奪衣鉢侵奪  
資生絕其飲食退令還俗脫其袈裟枷鎖繫縛禁閉  
牢獄輕慢觸惱令不安樂奪奪堵波及僧祇物十惡  
五逆至一闡提乘此業緣於無量劫墮諸惡趣備歷



三塗受種種苦楚痛難言。設得值遇無量諸佛及大菩薩。親承供養發露懺除。復更護持無量道法。修學無量難行苦行。由彼業障有餘未盡。令我等輩未能證得安樂涅槃。未能證得三摩地門殊勝功德。今向地藏菩薩摩訶薩及諸佛世尊。發大乘心。弘如來教。爲令此土三寶種性威德熾盛。久住世故。爲欲摧滅一切衆生。堅固煩惱。令無餘故。與諸衆生復淺慚愧。發露懺悔。求悉消除。惟願

十方諸大慈尊。及地藏大士。哀愍覆護。濟拔我等。令

此罪障皆得除滅。永不復受惡趣苦果。我等今者。對世尊前。及與大士。以至誠心。發真誓願。從今以去。乃至菩提。常願不遇如是惡緣。決定不造如是重罪。終不毀謗諸佛正法。亦不觸惱諸出家人。必不挑壞衆生法眼。亦不斷滅三寶種性。惟願

世尊。及與大士。攝受證知。所發誓願。令我等早成十法。及成十輪。獲得無罪正路法忍。於三乘法。若三乘人。及非法器。得無誤失。於大乘法。昇進無轉。利慧勝福。常得增長。於一切定。諸陀羅尼。諸忍諸地。速得自

在常得值遇諸善知識常得不離見一切佛及諸菩薩聲聞弟子不離聞法不離親近供養衆僧於諸善根常能精進菩提行願無厭足心先所造惡摧壞散滅速能證得無上法輪善巧方便成熟衆生皆令獲得利益安樂

或一說或三說起立唱云

懺悔發願已歸命禮三寶  
一禮已起立正身運想一切三寶偏滿虛空安坐法座一一更身如法旋繞此身如影音聲如響普徧十方上供三寶下警華靈勿令心散  
南無十方佛 南無十方方法 南無十方僧 南無

本師釋迦牟尼佛 南無地藏菩薩本願經 南無

大乘大集地藏十輪經 南無占察善惡業報經

南無地藏菩薩摩訶薩  
或三稱或七稱旋繞既畢廻身至法座前正立至心唱云

自歸依佛當願衆生體解大道發無上心

自歸依法當願衆生深入經藏智慧如海

自歸依僧當願衆生統理大衆一切無礙

和南聖衆  
問訊畢次至靜室或念地藏菩薩名或持滅定業真言或觀大士平等法身或作唯心識等二種觀道唯信唯篤  
則必能滅障必證法忍矣

後序

嗚呼大法久湮人多謬解執大謗小舉世皆然寧



知地獄衆苦已隨其後瘖瘂餘報復更難窮。故我  
地藏慈尊於大集會中現聲聞相。而世尊廣歎勝  
德。且爲之較量云。假使有人於彌勒妙吉祥并  
自在普賢之類。碗伽沙等大菩薩所。於百劫中至  
心歸依。稱念禮供。求諸所願。不如有人於一食頃  
歸依稱念禮供地藏。以菩薩久修堅固大願大悲  
勇猛精進。過諸菩薩故也。蓋末世之中。駕言於大  
乘甚易。而躬行於僧行實難。寧知廢小談大。并其  
大而亦非。悟大用小。并其小而亦大。故法華誠弘

經者必依四安樂行。涅槃極談常任佛性。尤扶戒  
律。今大士之功德獨盛。得非亦在此乎。智旭深恨  
夙生惡習。少年力詆三寶。造無間罪。賴善根未殞  
得聞本願尊經。知有出世大孝。乃轉邪見而生正  
信。仍以謗法餘業。雖辛勤修證。不登法忍。每一畏  
讀大士三經。輒不禁涕泗橫流。悲昔日之無知。感  
大士之拯拔也。因念濁智流轉之日。與我同此  
者不少。敬宗十輪并占察本願二典。述此儀法。庶  
幾共滌先愆。克求後果。不終爲無依行乎。未登無

生正位。皆可修之。無論初心與久學也。

崇禎丁丑後自恣前十日菩薩沙彌智旭識於九  
子別峯之梵網室咒壇中

助刺芳名

圓果 大俊 通玄 文昌 通瑞 共二兩

大體伍錢 智融 成瓊 等念共一兩 智燾

三錢 智誠 智觀 智會 成功 成息

成德各二錢 智明 成模 成珍 等文

智勤 海澄各八分 成法六分 智燾四分

錢各一



